



UNDANG-UNDANG MALAYSIA

VERSI ATAS TALIAN TEKS
CETAKAN SEMULA YANG KEMAS KINI

Akta 348

AKTA PEGAWAI-PEGAWAI DIPLOMAT DAN KONSUL (SUMPAH DAN FI) 1959

Sebagaimana pada 1 Januari 2014

**AKTA PEGAWAI-PEGAWAI DIPLOMAT DAN KONSUL
(SUMPAH DAN FI) 1959**

Pertama kali diperbuat 1959 (Akta 6 tahun
1959)

Disemak... .. 1988 (Akta 348 m.b.p.
6 Oktober 1988)

UNDANG-UNDANG MALAYSIA

Akta 348

AKTA PEGAWAI-PEGAWAI DIPLOMAT DAN KONSUL (SUMPAH DAN FI) 1959

SUSUNAN SEKSYEN

Seksyen

1. Tajuk ringkas dan pemakaian
2. Tafsiran
3. Kuasa mengenai sumpah dan perbuatan notarial di luar negeri
4. Kuasa untuk menetapkan fi
5. Mempamerkan jadual fi
6. Penalti bagi fi berlebihan
7. Kesalahan dan penalti
8. Perbicaraan kesalahan
9. Sanksi untuk pendakwaan

UNDANG-UNDANG MALAYSIA**Akta 348****AKTA PEGAWAI-PEGAWAI DIPLOMAT DAN KONSUL
(SUMPAH DAN FI) 1959**

Suatu Akta bagi mengadakan peruntukan mengenai pengendalian sumpah dan pelevian fi oleh pegawai diplomat dan konsul.

*[Semenanjung Malaysia—31 Disember 1959;
Sabah dan Sarawak—25 November 1965, L.N. 441/1965]*

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

Tajuk ringkas dan pemakaian

1. (1) Akta ini bolehlah dinamakan Akta Pegawai-Pegawai Diplomat dan Konsul (Sumpah dan Fi) 1959.

(2) Akta ini hendaklah terpakai di seluruh Malaysia.

Tafsiran

2. Dalam Akta ini, melainkan jika konteksnya menghendaki makna yang lain —

“afidavit” termasuklah suatu ikrar, akuan berkanun atau akuan lain, akuan terima, pemeriksaan, dan pengakusaksian atau pengakusahan kesungguhan;

“bersumpah” termasuklah ikrar, akuan dan akusah;

“pegawai diplomat” termasuklah seorang duta, pesuruhjaya tinggi, menteri, *charge d'affaires*, timbalan pesuruhjaya tinggi, setiausaha dan atasey suatu perutusan diplomat Malaysia, termasuklah suatu suruhanjaya tinggi;

“pegawai konsul” termasuklah seorang konsul besar, konsul, naib konsul, pro konsul dan agen konsular Malaysia.

Kuasa mengenai sumpah dan perbuatan notarial di luar negeri

3. (1) Tiap-tiap pegawai diplomat dan konsul yang menjalankan fungsinya di mana-mana negara atau tempat di luar Malaysia, bolehlah mengendalikan sesuatu sumpah atau ikrar dan mengambil apa-apa affidavit di negara atau tempat itu, dan juga melakukan apa-apa perbuatan notarial yang seorang notari awam boleh melakukannya di dalam Malaysia; dan tiap-tiap sumpah, ikrar, affidavit dan perbuatan notarial yang telah dikendalikan, diangkat sumpah atau dilakukan oleh atau di hadapan mana-mana orang tersebut hendaklah mempunyai kesan yang sama seolah-olah ia telah dikendalikan, diangkat sumpah atau dilakukan dengan sepenuhnya oleh atau di hadapan mana-mana pihak berkuasa yang sah di mana-mana bahagian di Malaysia.

(2) Apa-apa dokumen yang didakwa sebagai telah dicap, ditera atau diturunkan di atasnya atau padanya meterai dan tandatangan seseorang yang diberi kuasa oleh seksyen ini untuk mengendalikan sesuatu sumpah atau ikrar sebagai perisytiharan kepada sesuatu sumpah, ikrar, affidavit atau perbuatan yang dikendalikan, dibuat atau yang dilakukan oleh atau di hadapannya, hendaklah diterima sebagai keterangan tanpa bukti bahawa meterai atau tandatangan itu adalah meterai atau tandatangan orang itu atau atas sifat rasmi orang tersebut.

(3) Yang di-Pertuan Agong boleh, melalui perintah mengarahkan setakat mana subseksyen (2) hendaklah terpakai mengenai pembuktian perbuatan notarial yang dilakukan di mana-mana negara atau tempat di luar Malaysia oleh pegawai diplomat dan konsul Malaysia berhubung dengan perbuatan notarial yang dilakukan oleh mana-mana orang yang dinyatakan di dalam perintah itu, yang

merupakan orang yang berkhidmat dalam perkhidmatan diplomatik, konsular atau perkhidmatan lain luar negeri atas sesuatu Kuasa yang, melalui persetujuan dengan Yang di-Pertuan Agong, telah mengaku janji untuk mewakili kepentingan Malaysia dalam mana-mana negara atau tempat di mana Malaysia pada masa itu tidak mempunyai wakil diplomat atau konsul.

(4) Bagi maksud seksyen ini “sumpah” termasuklah apa-apa sumpah yang dikehendaki diangkat bagi maksud Perlembagaan dengan syarat bahawa sumpah itu diangkat di hadapan seorang pegawai diplomat atau konsul yang dia sendiri adalah seorang warganegara Malaysia.

Kuasa untuk menetapkan fi

4. (1) Yang di-Pertuan Agong boleh melalui perintah yang diberitahu dalam *Warta* menetapkan fi yang akan diambil mengenai apa-apa hal atau perkara yang dilakukan oleh seorang pegawai konsul atau oleh seorang pegawai diplomat yang diamanahkan dengan tugas konsul dalam pelaksanaan jawatannya.

(2) Semua fi tersebut hendaklah dilevi, dijelaskan dan digunakan, dan bolehlah diremitkan, menurut peraturan yang dikeluarkan oleh Yang di-Pertuan Agong.

Mempamerkan jadual fi

5. Tiap-tiap pegawai konsul dan pegawai diplomat yang diamanahkan dengan tugas konsul hendaklah mempamerkan apa-apa perintah yang ada di bawah subseksyen 4(1) secara mudah dilihat dalam pejabatnya, dan hendaklah membenarkan perintah itu diperiksa oleh sesiapa yang ingin berbuat demikian pada bila-bila masa yang munasabah.

Penalti bagi fi berlebihan

6. Seorang pegawai konsul atau seorang pegawai diplomat yang diamanahkan dengan tugas konsul hendaklah jangan, meminta atau mengambil apa-apa fi atau hadiah bagi atau atas apa-apa perbuatan, perkara atau perkhidmatan yang telah dilakukan, dilaksanakan atau diberikan olehnya di dalam perlaksanaan jawatannya, kecuali sebagaimana diperuntukkan dalam mana-mana perintah atau peraturan di bawah seksyen 4, dan jika dia berbuat demikian dia boleh, tanpa menyentuh apa-apa liabiliti lain, dikenakan denda tidak melebihi lima ratus ringgit bagi setiap kesalahan.

Kesalahan dan penalti

7. Mana-mana orang yang —

- (a) bersumpah secara palsu dalam mana-mana sumpah atau affidavit yang diangkat atau dibuat menurut Akta ini; atau
- (b) memalsukan atau dengan cara menipu, mengubah meterai atau tandatangan seseorang yang diberi kuasa oleh atau di bawah Akta ini untuk mengendalikan suatu sumpah; atau
- (c) memberi sebagai keterangan ataupun menggunakan apa-apa affidavit yang mempunyai apa-apa meterai atau tandatangan yang dipalsukan atau dilancarkan atau diubah dengan cara menipu, dengan mengetahui keterangan atau affidavit itu dipalsukan, dilancarkan atau diubah dengan cara menipu,

boleh dikenakan penjara untuk suatu tempoh tidak melebihi tiga tahun atau didenda tidak melebihi lima ribu ringgit atau kedua-duanya sekali.

Perbicaraan kesalahan

8. Apa-apa kesalahan di bawah Akta ini boleh, tertakluk kepada seksyen 9, disiasat, diambil tindakan, dibicara dan dihukum di mana-mana Negeri dalam Malaysia yang mana orang yang dituduh dengan kesalahan itu berada atau diberkas atau berada dalam jagaan, mengikut cara yang sama dan tahap yang sama seolah-olah kesalahan itu telah dilakukan dalam Negeri di mana dia berada atau diberkas atau berada dalam jagaan.

Sanksi untuk pendakwaan

9. Tiada apa-apa pendakwaan boleh dimulakan berkenaan dengan apa-apa kesalahan terhadap Akta ini tanpa sanksi bertulis daripada Pendakwa Raya.

UNDANG-UNDANG MALAYSIA**Akta 348****AKTA PEGAWAI-PEGAWAI DIPLOMAT DAN KONSUL
(SUMPAH DAN FI) 1959****SENARAI PINDAAN**

Undang-undang yang meminda	Tajuk ringkas	Berkuat kuasa dari
L.N. 441/65	Perintah Pengubahsuaian Undang-Undang, (Pegawai-Pegawai Diplomat dan Konsul) (Sumpah dan Fi) (Perluasan) 1965	25-11-1965
Akta 160	Akta Matawang Malaysia (Ringgit) 1975	29-08-1975
P.U. (A) 470/1988	Perintah Penyemakan Undang-Undang (Pegawai-Pegawai Diplomat Dan Konsul (Sumpah Dan Fi)) 1988	29-09-1988

UNDANG-UNDANG MALAYSIA**Akta 348****AKTA PEGAWAI-PEGAWAI DIPLOMAT DAN KONSUL
(SUMPAH DAN FI) 1959****SENARAI SEKSYEN YANG DIPINDA**

Seksyen	Kuasa meminda	Berkuat kuasa dari
6	Akta 160	29-08-1975
7	Akta 160	29-08-1975
